

四庫全書

史部

欽定四庫全書

史部

明集禮卷二十八

詳校官監察御史<sub>臣</sub>劉芬

編修<sub>臣</sub>程嘉謨覆勘

總校官知縣<sub>臣</sub>楊懋珩

校對官中書<sub>臣</sub>李荃

謄錄監生<sub>臣</sub>曹希焜

欽定四庫全書

明集禮卷二十七

嘉禮十一

親王納妃

總序

親王納妃之禮自漢以上不著其儀漢高后時始定諸王聘禮南齊武帝以昏禮奢貴敕諸王納妃依禮上棗栗殿脩其餘衣物停省而其儀文不備唐皇子納妃則

命親王主昏遣使納采問名納吉納徵請期皆稱某王  
亦行冊禮親王親迎妃至宮之明日朝見皇帝皇后宋  
皇子納夫人稱國夫人不行冊禮其納采問名納吉納  
徵請期皆皇帝臨軒遣使皇子將親迎皇帝臨軒醮戒  
夫人至宮之明日朝見皇帝皇后又明日行盥饋禮今  
擬國朝親王納妃皇帝御奉天殿遣使納采問名既卜  
吉後命使納吉請期又遣官奏告宗廟訖遣使備冊寶  
行冊禮親王將親迎皇帝臨軒醮戒王至妃第迎入宮



行同牢禮明日妃朝見皇帝皇后又明日至皇帝皇后  
閣內行盥饋之儀今具歷代儀文以著於篇

### 冠服

唐親王納妃親迎服袞冕妃服花釵揄翟衣纁褂宋皇  
子納夫人親迎服九旒冕夫人服揄翟衣花釵首飾今  
擬國朝親王納妃服袞冕九章妃服翟衣冠九翬四鳳  
冠花釵九樹兩博鬢九鈿詳見冠服篇

### 車輅

唐制諸王納妃親迎乘象輅妃乘厭翟車宋皇子納夫人皇子乘象輅妃乘厭翟車今擬國朝諸王納妃親迎乘金輅妃乘厭翟車其詳見車輅篇

冊

其制見冊拜篇

冊文

唐冊祀王妃冊文曰維建中二年十一月某日甲子皇帝使某官持節冊命某官竇胤第若干女為杞王妃

曰於戲禮以大昏崇繼嗣本人倫之教詩言淑女配君子繫王化之綱蓋率人成風由內及外得不采配偶以固盤石本閨門以御家邦詳求惟艱歷選茲久時乃之擇得於舊姻柔婉稟乎天和禮樂成於家法明章婦順虔奉姆儀克茂鵲巢之規叶宣麟趾之美其祗膺嘉禮欽率內教淑慎厥心無替於後於戲可不慎哉

### 禮物

漢制諸王納妃黃金五十斤馬四疋魏諸王娶妃用絹

百九十匹晉太康八年有司奏王侯昏禮玄纁束帛加  
璧乘馬齊武帝永明年中以昏禮奢貴敕諸王納妃用  
棗栗鵝脩加以香澤花粉北齊諸王聘禮納采問名納  
吉請期親迎皆用羔羊一口鴈一隻酒黍稷米麵各一  
斛納徵用玄三匹纁二匹束帛十匹大圭一虎皮二錦  
綵六十匹絹二百匹羔羊一口羊四口犢二頭酒黍稷  
稻米麵各十斛從車百乘唐諸王納妃納采問名納吉  
請期親迎皆用鴈納徵用玄纁束帛大玉乘馬宋皇子

納夫人其納財用函書一通玄纁羅五匹綾十匹押函  
馬二疋羊五十口酒五十瓶紅綃百匹花粉十函果十  
盤花十罩塗金銀勝二十合綃金生色繡衣十襲真珠  
翠毛玉釵朶三副黃金器百兩銀器千兩衣著千匹錢  
五百千錦綺羅綾三百匹生帛綾綃六百匹今擬國朝  
親王納妃納采問名納吉請期親迎皆用鴈納徵用玄  
纁束帛大玉乘馬及其他禮物稱是

納采

唐親王納妃使者朝服乘犢車備儀仗至妃氏第立於大門外之西主昏者立於東階使者曰某公貺室某王某王敬由先典使某也請納采主昏者曰某之子蠢愚又弗教某王命之某不敢辭主昏者出門再拜揖使者入陳鴈曰敢納采主昏者北面再拜使者奠鴈主昏者受鴈降自西階以出宋皇子納夫人使者奉制至夫人第曰某王之儷屬于懿淑慎之重之使某行采擇之禮主昏者曰臣某之子顓愚不足以備采擇恭承制命臣

某不敢辭再拜受鴈儀與唐同今擬國朝諸王納妃皇帝御奉天殿遣使執鴈納采其儀詳見儀注

問名

唐使者納采畢出立於廟門外之西主昏者降立於阼階下之東使者曰某既受命將加諸卜敢請女為誰氏主昏者曰某王有命且以備數而擇之某不敢辭主人再拜揖使者入使者授鴈主人還阼階上西向曰某第某女某氏出使者降出主昏者禮使者及嬪以幣馬如

前儀宋皇子納夫人使者納采訖復入曰某奉制問名  
主昏者再拜北面答曰臣某第幾女某氏出其禮使者  
與唐同今擬國朝使者納采訖就問名其詳見問名儀  
注

納吉

唐親王納妃其日遣使至妃氏大門外贊禮者延入次  
謁者引使者出次立於大門外之西東面主昏者立於  
阼階下西面儼者進受命出請事使者曰某公有貺命



加諸卜占曰某吉王使某也敢告儻者入告主昏者曰  
某之子弗教恐弗堪某王有吉某與在焉某不敢辭儻  
者出告其拜迎陞堂受鴈之儀並如納采其禮賓如問  
名之禮宋皇子納夫人禮同唐制今擬國朝親王納妃  
遣使納吉詳見納吉儀注

### 納徵

唐親王納徵之禮其日使者至妃氏大門外掌次者延  
入次謁者引使者出次立於大門外之西東面主昏者

立於東階下西面儼者進受命出請事使者曰某公有  
嘉命貺室某王率由先典使某也以玉帛乘馬請納徵  
儼者入告主昏者曰某王順先典貺某重禮某敢不承  
命儼者出告使者奉玉帛牽馬者從入陳於庭使者與  
主昏者揖入使者曰敢納徵主人於阼階上北面再拜  
受束帛乘馬其禮使者皆如問名之儀宋皇子納夫人  
其納徵則命使者奉珪以匱及玄纁束帛詣夫人第曰  
官占云吉嘉耦既定制使某以儀物告成主昏者曰奉

制賜臣以重禮臣某謹奉典制其受玉帛禮使者與唐同今擬國朝諸王納妃皇帝臨軒遣使奉玄纁玉帛至妃第行納徵禮其詳見儀注

請期

唐既納徵使者執鴈詣妃氏第請期使者曰某公有賜既申受命矣某王使某也請吉日主昏者曰既前受命矣惟命是聽其受鴈及禮賓並如納吉之儀宋遣使請期其儀與唐同今擬國朝諸王納妃遣使執鴈至妃第

請期如宋儀詳見儀注

奉冊

唐冊親王妃使者持節公服乘輅備儀仗奉冊及車輅冠服備物至妃氏第主昏者公服立於阼階使副奉冊入閣至於內寢階間南面持節者立於使者之東西面持冊案者又在其南女相者及傅姆引導妃服翟衣立北面使者稱有制妃再拜使者讀冊訖妃又再拜傅姆進受冊以退使者出主昏者拜送於門外女相者引妃

入宋皇子納夫人遣使奉告至妃第曰奉制賜某國夫人告主昏者曰臣某謹奉制使者奉告箱入至寢門以告置于案女相者引夫人花釵翟衣出再拜受訖女相者引夫人入主昏者禮使者如唐儀今擬國朝諸王納妃皇帝臨軒命使者奉冊及翟衣花釵首飾車輅儀仗至妃第行冊禮其詳見儀注

親迎

唐親王親迎初昏服袞冕乘象輅備儀仗詣妃第曰

以茲初昏某也將請承命儗者入告主昏者曰某固敬具以須主昏者出迎王入主昏者陞阼階西向立妃母出立於房戶外之西南面王陞西階北面跪奠鴈再拜降出主昏者不降送王拜訖姆導妃出父命之曰戒之敬之夙夜無違命母戒之於西階上施衿結帨戒之曰勉之敬之夙夜無違庶母及門內施鞶申之以父母之命曰敬恭聽宗父母之言夙夜無愆視諸衿鞶王出大門乘輅還妃鹵簿次從而行宋皇子親迎初昏服袞冕

乘象輅備儀仗至妃第曰某奉制親迎敢不恭承主昏者曰某固恭具以須揖皇子入至寢戶前陳雁北面再拜而出主昏者不降送皇子拜訖姆導夫人出父母及庶母戒命皆如唐儀皇子先出夫人乘車以次行令擬國朝諸王納妃服袞冕乘輅至妃第親迎還宮其詳見親迎儀注

醮戒

唐親王納妃無皇帝臨軒醮戒之文宋皇子納夫人將

親迎皇帝醮戒於所御之殿皇帝南向坐皇子北面再拜訖陞立於西東向受飲食又北向再拜皇帝命之曰親迎惟古往帥以恭皇子曰臣謹奉制又再拜令擬國朝親王納妃將親迎皇帝臨軒醮戒其詳見儀注

同牢

唐制王妃至宮降車王揖妃以入及寢門又揖王導妃陞自西階入室即席王盥南洗妃盥北洗王及妃皆即席坐贊者授饌三飯訖王及妃皆興再拜受兩爵飲訖



用盃飲如初王及妃又再拜徹饌王脫冕服於房妃從者受之妃脫服於室王從者受之王入燭出妃從者餽王之餘王從者餽妃之餘宋皇子納夫人同牢之禮皆與唐同今擬國朝諸王納妃就王宮寢殿行同牢之禮其詳見同牢儀注

妃朝見

唐王妃至宮之明日夙興沐浴著花釵揄翟衣至皇帝閣外伺皇帝陞御座北面再拜訖奉笄棗栗陞自西階

跪奠於御座前尚食進徹司賓引妃降復位再拜訖尚儀承制降詣妃宣勅訖又再拜司賓引妃詣皇后所御之殿立於閣外北面再拜訖奉笄殿脩陞自西階進跪奠於皇后座前尚食進徹司賓引妃降復位再拜尚儀承令降詣妃宣令訖又再拜宋皇子納夫人至宮之明日朝皇帝皇后皇帝皇后醴夫人如宮中之儀今擬國朝王妃入宮明日朝見皇帝皇后其詳見儀注

盥饋

宋皇子夫人既朝見之明日夙興沐浴服花釵翟衣至  
皇帝閣外候皇帝進膳北面再拜訖陞自西階奉膳進  
供於皇帝前降復位再拜又至皇后閣外候皇后進膳  
再拜進膳如前皇帝皇后饗夫人如宮中之儀今擬國  
朝王妃朝見之明日詣皇帝皇后行盥饋之禮其詳見  
儀注

納采儀注

前一日有司設使副次於妃氏大門之外設使副序立

位於大門之東西向北上設主昏者序立位於大門內之西東向設香案於廳上之正中設使副位於香案之東西向北上設主昏者受制位於香案之南北向設贊禮位於廳下主昏者拜位之北東西相向設僮者二人位於贊禮之南東西相向設引使者二人位於廳上南楹之左右東西相向其日使者奉制執鴈及禮物至妃氏第儀仗鼓吹分列於大門外之左右使者下馬引禮引入次執事者陳禮物於大門之外僮者引主昏者朝

服序立於大門外之西東向引禮引使者出次立於大門外之東執鴈者立於其南皆西向儼者進受命出詣使者曰敢請事使者曰奉制某王之儼屬於懿淑使某行采擇之禮儼者入告主昏者曰臣某之子昧於閭儀不足以備采擇恭承制命臣某不敢辭儼者出告訖主昏者出迎使者於大門外儼者引主昏者揖使者先入立於西階之下引禮引使者入執鴈者後從陞自東階立於香案之東執鴈者立於其南執事者陳禮物于庭

儼者引主昏者就拜位北向立定贊禮唱鞠躬拜興拜  
興平身主昏者鞠躬拜興拜興平身儼者引主昏者陞  
自西階至香案前使者稱有制儼者贊跪主昏者跪使  
者曰某奉制采擇執鴈者以鴈授使者使者受鴈以授  
主昏者主昏者跪受鴈興以授左右儼者引主昏者降  
自西階就拜位贊禮唱鞠躬拜興拜興平身主昏者鞠  
躬拜興拜興平身贊禮唱禮畢儼者引主昏者退立於  
西使者降自東階出主昏者帥執事各收禮物

問名儀注

納采禮畢使者降立於中門外之東西面主昏者降立於西階下東向儗者進受命出詣使者前曰敢請事使者曰某既受命將加諸卜筮奉制問名儗者入告主昏者曰制以臣某之子可以奉侍某王臣某不敢辭儗者出告訖入引主昏者出迎使者於中門之外儗者引主昏者揖使者主昏者入門而左使者入門而右執鴈者從入主昏者立於西階之下使者陞自東階至香案前

西向立執鴈者立於其南皆西向儼者引主昏者就拜位贊禮唱鞠躬拜興拜興平身主昏者鞠躬拜興拜興平身儼者引主昏者陞自西階至香案前北面立使者稱有制儼者贊跪主昏者跪使者宣制曰奉制問名主昏者曰臣某第幾女某氏出執鴈者以鴈進授使者使者受鴈以授主昏者主昏者跪受鴈興以授左右儼者引主昏者自西階降就拜位贊禮唱鞠躬拜興拜興平身主昏者鞠躬拜興拜興平身贊禮唱禮畢儼者引主



昏者退立於西主昏者帥執事各收禮物引禮引使者  
出至中門外僮者出請使者入行飲食之禮畢主昏者  
送於門外

納吉儀注

前一日有司於妃氏第陳設如納采之儀其日使者至  
妃氏大門外下馬引禮者延入次執事者陳禮物於大  
門之外僮者引主昏者朝服立於大門內之西東面引  
禮引使者出次立於大門外之東執鴈者立於其南僮

者進受命出詣使者前曰敢請事使者曰卜筮協從使  
某告吉儻者入告主昏者曰臣某之子愚弗克堪占臆  
之吉臣與有幸臣謹奉典制儻者出告訖入引主昏者  
出迎於大門之外儻者引主昏者揖主昏者入門而左  
使者入門而右執鴈者從入主昏者立於西階之下引  
禮引使者陞自東階立於香案之東執鴈者立於其南  
執事者各陳禮物於庭儻者引主昏者就拜位北向立  
定贊禮唱鞠躬拜興拜興平身主昏者鞠躬拜興拜興

平身儼者引主昏者陞自西階至香案前北向立使者稱有制儼者贊跪主昏者跪使者宣制曰奉制告吉執鴈者以鴈進授使者使者受鴈以授主昏者主昏者跪受鴈興以授左右儼者引主昏者降自西階就拜位贊禮唱鞠躬拜興拜興平身主昏者鞠躬拜興拜興平身贊禮唱禮畢儼者引主昏者退立於西引禮引使者出至中門外儼者出請使者入行飲食之禮畢主昏者送于門外

納成儀注

前一日有司於妃氏第陳設如納采之儀其日使者承制奉玄纁玉帛至妃氏第儀仗分列於大門外之左右引禮引入次執事者陳禮物於大門外設玉帛案於正中儼者引主昏者立於大門內之西引禮引使者出次立於大門外之東儼者進受命出詣使者前曰敢請事使者曰某王之儼卜既協吉制使某以儀物告成儼者入告主昏者曰奉制賜臣以重禮臣某謹奉典制儼者

出告入引主昏者出迎于大門外儻者引主昏者揖使者入主昏者立於西階之下引禮引使者陞自東階立於香案前之東舉案者舉玉帛案由東階陞置於香案之南奉玉帛者立於使者之南稍後西向舉案者退立於西儻者引主昏者就拜位贊禮唱鞠躬拜興拜興平身主昏者鞠躬拜興拜興平身儻者引主昏者陞自西階至香案前使者稱有制儻者贊跪主昏者跪使者宣制曰奉制告成奉玉帛者詣案取玉帛進授使者使者

受玉帛以授主昏者主昏者跪受玉帛興以授左右儼者引主昏者降自西階至拜位立定贊禮唱鞠躬拜興拜興平身主昏者鞠躬拜興拜興平身贊禮唱禮畢儼者引主昏者退立於西諸執事各收禮物引禮引使者出至中門外儼者出請使者入行飲食之禮畢主昏者送於門外

請期儀注

其儀與納吉同惟使者宣制某月某日消吉制使某告

期主人答曰謹奉命

遣使奉冊儀注

其儀與皇太子納妃同

醮戒儀注

前期內使監設御座於奉天殿如常儀侍儀司設親王次於奉天殿東耳房內設親王席位於奉天殿之西東向設司爵內使二人於席位之左右司饌內使二人於司爵之東皆相向設親王受醮戒位於御座之南北向

設親王拜位於丹陛上北向設王府官拜位於丹墀之  
兩旁重行北向設贊禮二人位於親王丹陛上拜位之  
北東西相向知班二人位於贊禮之南東西相向設文  
武百官侍立位於文武樓之北東西相向設引文武班  
舍人四人位於文武官之北東西相向設引文武班四  
人位於文武班之北稍後東西相向將軍二人位於殿  
上簾前東西相向將軍六人於奉天門之左右東西相  
向又將軍四人位於丹陛上之四隅東西相向又將軍



六人位於奉天殿之左右東西相向鳴鞭四人於丹陛  
上北向儀鸞司光祿寺官對立位於奉天殿門之左右  
東西相向是日金吾衛陳設軍仗於午門外之東西旗  
仗於奉天門外之東西儀鸞司陳設儀仗於丹陛丹墀  
之東西和聲郎設樂於丹墀之南備而不作是日未明王府  
侍從官導從親王至次諸執事者各就位引進啓親王  
具袞冕服侍儀奏外辦御用監奏請皇帝服通天冠絳  
紗袍御輿以出侍儀侍從警蹕如常儀皇帝將出仗動

陞御座將軍捲簾鳴鞭司晨郎雜唱報時訖引進引親王袞冕由東陞陞至丹陞位北面立定贊禮唱鞠躬拜興拜興拜興拜興平身親王鞠躬拜興拜興拜興平身贊禮唱鞠躬拜興拜興拜興平身王府官鞠躬拜興拜興拜興平身引進引親王由奉天殿東門入就席位東向立司爵內使斟酒以醖進授親王親王跪掬圭受醖祭酒少許以醖授內使內使跪受醖司饌內使以饌進授親王親王跪受饌以饌授內使內使

跪受饌置於席興立於親王之左引進啓親王興引進  
啓就席坐飲食訖引進引親王立於御座前北向引進  
啓跪親王跪皇帝命之曰往迎爾相承我宗事勛帥以  
敬親王曰臣某謹奉制旨引進啓俯伏興親王俯伏興  
引進引親王由東門出至丹陛上拜位立定贊禮唱鞠  
躬拜興拜興拜興拜興平身親王鞠躬拜興拜興拜興  
拜興平身贊禮贊禮畢皇帝降座還宮引進引親王由  
東階降退出文武百官以次出

親迎儀注

前一日有司設親王次於妃氏大門之外南向又設王府官次於親王次之南東西相向設親王序立位於大門外之東西向又設親王奠鴈位於閣門外北向設主昏者立位於閣門外之西東向其日質明妃父具酒脯告於家廟親迎前三刻王府官具朝服陳鹵簿鼓吹於王府門外典儀啓請王具袞冕服王府官捧寶詣閣奉迎拱衛司進金輅於王府內王具冕服引進啓陞輿王

乘輿以出侍御導從如常儀至府門引進啓降輿乘輅  
王降輿陞輅輅動王府官以下皆從執鴈者奉鴈從其  
後王至妃氏大門外回轅南向鹵簿鼓吹分列於左右  
王府官皆下馬引進啓降輅乘輿王降輅陞輿侍從導  
引至次引進啓降輿王降輿入就次王府官各就次王  
將至主昏者設會宴女王既入次宮人傅姆啓妃服褕  
翟花釵前後擁護出就閤內位前南向立傅姆立於妃  
之左右宮人內侍分立於其後主昏者具朝服陞自西

階下引進引王出次立於大門之東西向左右侍御如  
常儀儼者朝服進受命出立於門東西面曰敢請事引  
進跪啓王王曰某奉制親迎引進受命興傳於儼者儼  
者入告引主昏者出迎王於大門外之西東向儼者唱  
鞠躬拜興拜興平身主昏者鞠躬拜興拜興平身王答  
禮拜興拜興平身引進引王入門而左主昏者入門而  
右執鴈者從入引進引王陞東階進立於閤門戶前北  
向主昏者陞自西階立於閤門外之西東向引進啓跪

王跪引進啓奠鴈執鴈者以鴈西向跪授王王搯圭受  
鴈以授主昏者主昏者搯笏跪受鴈興以授左右退立  
於西引進啓出圭俯伏興平身王出圭俯伏興平身引  
進啓鞠躬拜興拜興平身王鞠躬拜興拜興平身引進  
引王降自東階出至次以伺主昏者不降送初王入門  
妃母出立於門外王奠鴈位之西南向王拜訖宮人傳  
姆導妃出立於母左主昏者進命之曰戒之敬之夙夜  
恪勤毋或違命毋命之曰勉之勉之爾父有訓往承惟

欽庶母申之曰恭聽父母之言宮人傅姆等執導從出門司閨啓妃陞輿出中門司閨啓妃降輿乘厭翟車所司陳列鹵簿如式妃將出引進啓請王陞輅輅動王府官皆上馬從行如來儀王車輅至王府門外侍從官皆下馬王車輅至門內引進啓降輅乘輿王降輅陞輿以入侍從官從至閣引進啓降輿王降輿入閣以伺

同牢儀注

前一日內使監設妃次於王府內殿之西南向司閨設



幄於內殿之正中設王之座於幄中之東西向設妃座於幄中之西與王座相對設王洗一於殿之東司中宮人一人位於洗南司盥宮人一人位於洗北皆西向設妃洗一於殿之北司中宮人一人位於洗南司盥宮人一人位於洗北皆東向設酒案於幄之南正中陳酒樽於案上設四爵兩盞於酒樽之北

爵盞皆以今酒器代之

又設食

案二於酒樽之北其日晡後妃車輅將至內使監於內殿大次前設步障地衣至幄內伺妃輅入王府門鹵簿

分列於門內外傳姆及宮人皆下輦各擎執擁護入至  
內殿前司閨啓請降輅乘輿妃降輅陞輿宮人侍從如  
前儀至幄次前司閨啓請降輿妃降輿執繖扇燭籠宮  
人布列前後傳姆導引妃入次整飾司閨引妃出立於  
內殿西階之下東向內侍引王揖妃以入王先陞司閨  
導妃後陞入內殿內侍引王就洗位內侍啓沃手宮人  
酌水王盥手內侍奏帨手宮人以巾進王帨手內侍啓  
請王就座前西向立王盥手時司閨啓請妃至盥洗所

司閨啓盥手宮人酌水妃盥手司閨啓悅手宮人以巾  
進妃悅手司閨啓請妃就座前東向立內侍司閨各啓  
請王及妃皆就座王侍從立於幄東妃侍從立於幄西  
司饌宮人舉食案進供於王及妃之前司饌以饌進王  
及妃皆食訖司饌各徹饌司醢宮人取爵酒進供於王  
妃王妃皆飲訖司醢各徹虛爵司饌再以饌進王妃各  
饌訖徹饌如前司醢再取爵酒以進王妃王妃各飲訖  
司醢徹爵如初王妃三饌訖司醢取盃酌酒以進王王

受卷司醢取卷酌酒以進妃妃受卷各飲訖司醢徹虛  
卷內侍啓禮畢王及妃皆興內侍及內使監官宮人等  
導從王入宮司閨及傳姆宮人等導從妃入宮內侍啓  
請王更禮衣司閨啓請妃服常服王從者餽妃之饌妃  
從者餽王之饌

妃朝見儀注

其日妃夙興沐浴服揄翟首飾畢司閨啓請出閣宮人  
內侍等導從妃出閣至內宮門司閨啓請乘輿妃乘輿

以出至內東門司閨啓請降輿內使及傅姆導引妃入  
宮障扇侍從如常至內殿階下內使監令入奏皇帝服  
通天冠絳紗袍即御座南向左右侍從如常司閨引妃  
入詣庭前北面立內贊贊拜興拜興妃拜興拜興司閨  
引妃自西階陞宮人奉棗栗同陞至御座前宮人以棗  
栗進授妃妃受棗栗進奠於御座前尚食進徹以東司  
閨引妃降自東階復位北面立內贊贊拜興拜興妃拜  
興拜興內贊贊禮畢司閨啓請妃至皇后殿傅姆宮人

等導從如前至皇后所御殿立於閣門之外尚宮奏皇后  
后褱衣首飾即南向座左右侍御如常儀司閤引妃入  
詣殿庭位北面立內贊贊拜興拜興妃拜興拜興司閤  
引妃由西階陞宮人奉殿脩以從至皇后御座前北面  
立宮人奉殿脩進授妃妃受殿脩進供於皇后座前尚  
食進徹以東司閤引妃降復位內贊贊拜興拜興妃拜  
興拜興內贊贊禮畢傳姆導妃退皇帝皇后醴妃如宮  
中之儀

盥饋儀注

其日妃夙興沐浴服揄翟衣首飾司閨啓請出閣宮人  
內侍傳姆等導從妃出閣至內宮門外司閨啓乘輿妃  
乘輿以出至內東門司閨啓請降輿內使及傳姆導引  
妃入宮障扇侍從如常儀至皇帝閣外候皇帝進膳司  
閨引妃入立於庭北面內贊贊拜興拜興妃拜興拜興  
司閨引妃陞自西階至御座前尚食宮人以膳進授妃  
妃受膳進供於皇帝前司閨引妃降自西階復位內贊

贊拜興拜興妃拜興拜興內贊唱禮畢司閏啓請至皇  
后殿傳姆宮人內侍等引妃詣皇后所御殿立於閤外  
候皇后進膳司閏引妃入立於庭北面內贊贊拜興拜  
興妃拜興拜興司閏引妃由西階陞至皇后前尚食宮  
人以膳進授妃妃受膳進供於皇后前司閏引妃降自  
西階復位內贊贊拜興拜興妃拜興拜興內贊唱禮畢  
司閏引妃出閤皇帝皇后饗妃如朝見之儀

謁廟儀注



儀見冊拜篇



臨軒遣使

門

門

門

明集禮卷三十七二十七

將軍

將軍

重將

將軍

重將

將軍

位立侍官文

武

武官侍立位

引舍人  
引班人

引班舍人  
引班舍人

使者

副使

引禮  
引禮

護衛衛衛衛衛衛衛衛衛衛衛  
護衛衛衛衛衛衛衛衛衛衛衛

護衛衛衛衛衛衛衛衛衛衛衛  
護衛衛衛衛衛衛衛衛衛衛衛

護衛

護衛

護衛

護衛



納采

問名納吉納成請期同

明集禮卷二十七二十九

次副使

正副使

門

主昏者位

主昏者位

贊禮

贊禮

引使者位

主昏者位

賓者

賓者

贊禮

贊禮

執節

執節

副使

使者

樂



公主出降

總序

古者天子嫁女不自主昏以同姓諸侯主之故曰公主  
春秋莊公元年築王姬之館于外此天子嫁女而魯為  
之主也秦代因之亦曰公主兩漢之制帝女稱公主帝  
姊妹為長公主皆以列侯尚之魏武帝以金鄉公主適  
駙馬都尉何晏唐皇姑為太長公主亦謂之長公主姊  
妹為長公主女為公主公主下嫁則以親王為主昏凡

尚主亦拜駙馬都尉其受聘禮皆於光順門外公主至  
夫家朝見舅姑行盥饋禮宋初公主下嫁選壻召見即  
拜駙馬都尉賜玉帶襲衣謂之繫親出降則賜甲第壻  
家行五禮皆令掌昏者於內東門納表壻至東華門親  
迎公主至壻家之明日謁見舅姑又明日行盥饋之禮今  
擬國朝公主下嫁令掌昏者於內東門行五禮至期壻  
服朝服詣東華門親迎公主至壻第之明日謁見舅姑  
又明日盥饋令具其儀以著于篇



冠服

漢公主冠服大手髻簪珥服純纁上下其長公主首服加步搖魏公主大手髻七鈿蔽髻簪珥長公主得加步搖其服以文繡齊公主大手髻繡衣裳黃綬長公主則紫綬唐公主出降服花釵揄翟衣纁袖宋公主出降首飾花九樹服揄翟今擬國朝公主出降服九翬四鳳冠揄翟衣其詳具冊拜篇

車輅冊印

並見冊拜篇

禮物

魏制公主嫁禮用絹一百九十匹晉用絹三百匹北魏  
南陽公主嫁蕭寶寅賜絹一千并給禮具宋公主聘其  
進財函書一玄纁五錦三五色綾羅十押函馬二羊百  
酒百紅綾絹二百花二十罩脂粉二百盃銀果六百臘  
麵茶二百斤花餅二十事金銀勝百合銀錢二十千頭  
緡紅羅百匹金釵釧十雙金纏二副真珠翠毛玉釵六

頭真珠琥珀玉水精瓔珞五項面花耳環百一十綴珠  
銷金盤金繡畫衣二十襲錦綺羅綾紗縠千匹塗金銀  
器二千兩生綾二千匹錢二千貫金合二重三百兩今  
擬國朝公主出降遣使奉冊及公主受冊其儀並見冊  
拜篇

納采問名

唐公主將出降以親王主昏於光順門外設次行五禮  
壻家遣使者奉鴈及禮物至光順門外所設次主昏者

立於門內東階下使者曰朝恩既室於某公之子某公  
有先人之禮使某也謹納采主昏者曰敢不敬從使者  
陳鴈主昏者受鴈訖使者出再奉鴈入主昏者還立阼  
階之上西面曰皇帝第某女封某公主使者陳鴈主昏  
者受鴈訖使者出主昏者禮使者於戶牖之間贈之筐  
幣及兩馬辭曰吾子為事故至於寡人之室寡人有先  
皇之禮請禮從者禮畢使者還宋公主下降壻家具雁及  
禮物修表向闕再拜訖奉舉以行表在前禮物次之掌

昏者在後入東華門至內東門掌昏者跪搢笏以納采  
表授內謁者進入訖掌昏者出次西向立又以問名表  
跪授內謁者進入諸捧輿者以次出今擬國朝公主下  
嫁壻家備禮物表文於家庭望闕再拜訖掌昏者奉舉  
至東華門次行納采問名禮餘見儀注

納吉

唐公主出降壻家既卜吉使者奉鴈至光順門次僮者  
出請事使者曰加諸卜占曰吉使某也納吉敢告主昏

者曰某公有吉寡人與在焉寡人不敢辭使者陳鴈主  
昏者受鴈禮使者如問名之儀宋壻家具禮物用鴈修  
表陳於廳事掌昏者公服省視訖置於綵輿設香案於  
庭中掌昏者率壻向闕再拜訖奉舉以行至內東門外  
以納吉表跪授內謁者進入今擬國朝公主下降壻家  
既卜吉備禮物表文陳於庭望闕再拜掌昏者奉至東  
華門次行納吉禮詳見納吉儀注

納徵

唐壻家既納吉命使者奉玄纁束帛玉馬至光順門外  
次以玄纁束帛陳於幕上奉玉於幕東使者曰朝恩貺  
室於某公之子某公有先人之禮使某也以玉帛乘馬  
請納徵主昏者曰某公順先典貺以重禮寡人敢不承  
命餘如納吉之儀宋前一日壻家具玉幣禮物表文進  
納如納吉之儀今擬國朝公主出降壻家具玄纁玉馬  
表文及他禮物命掌昏者奉至東華門行納徵之禮  
詳見儀注

請期

唐堦家既納徵命使者捧鴈至光順門外次曰朝恩有  
賜既申受命某公使某請吉日主昏者曰寡人既前受  
命惟命是聽使者曰某公命某聽命於王主昏者曰寡  
人固惟命是聽使者曰某公使某受命於王王不許某  
敢不告期曰某日餘並如納徵之儀宋制前一日堦家  
具禮物用鴈修表進納其儀皆與納徵同今擬國朝公  
主下降堦家具禮物表文詣東華門請期詳見儀注



親迎

唐制壻將親迎壻父告廟醮子訖子再拜降出乘輅備儀仗詣主昏者第主昏者醴公主公主服花釵揄翟纁袖主昏者立東階壻入再拜奠鴈出姆導公主出主昏者戒之曰戒之敬之夙夜無違命主婦戒之曰勉之敬之夙夜無違壻乘輅先還第公主陞輅備鹵簿後行宋壻父告於禰廟訖醮子於廳事命之曰往迎爾相以惠宗祏子再拜曰祗承嚴命又再拜出乘馬至東華門有

司陳公鹵簿儀仗於門外公主陞厭翟車壻出次於內東門內陳鴈公主陞車壻再拜先還第今擬國朝公主下降壻將親迎壻父醮戒訖壻乘馬至東華門內行親迎之禮其禮詳見儀注

同牢

唐公主下降至壻家行同牢禮如親王之儀宋壻親迎回至本第下馬以候公主至公主降車贊者引壻揖公主入及寢門壻導公主陞階扇燭陳列贊者引公主入

於室壻盥於南洗公主盥於北洗贊者設酒饌壻及公主即座飲食遂薦饌再飯三飯畢壻及公主興皆再拜入令擬國朝公主下降至壻家行同牢禮詳見同牢儀注

見舅姑

唐公主出降之明日夙興沐浴著花釵服揄翟舅服公服西向坐姑著鈿釵禮衣南向坐公主陞自西階東面再拜跪進棗栗於舅前退北面再拜跪進股脩於姑前

訖又再拜舅姑設醴公主席於姑席之西少北南向醴  
訖姑先降自西階公主降自東階宋公主夙興著花釵  
服揄翟以候見贊者設舅姑位於堂上舅位在東姑位  
在西舅姑俱服其服公主陞自西階詣舅位前再拜奉  
棗栗以進訖又再拜次奉股脩至姑位前又再拜舅姑  
醴公主如前儀今擬國朝公主出降之明日服揄翟花  
釵首飾以見舅姑其儀詳見儀注

盥饋

唐公主盥饋以少牢公主服其服如見禮盥饋舅姑訖  
舅姑設公主席於舅姑席東北南向以醴之宋公主盥  
饋之禮設舅姑位於堂上東西相向俱即座女相者引  
公主陞自西階進詣舅姑之東贊者以饌進公主置於  
舅姑位前贊者加匕箸舅姑俱食畢公主各再拜設饗  
婦位於姑位之北少東西向女相者引公主立於座之  
西贊者舉饌置於位前加以匕箸公主即座食畢再拜  
降階退今擬國朝公主既見舅姑之明日行盥饋之禮

詳見儀注

納采問名儀注

公主將出降奉制擇壻訖令某王或某官為掌昏至期掌昏者先具納采時日奏聞訖前一日壻家設香案於正廳南向設表案於香案之北設掌昏者立位於香案之東設壻父拜位於廳下正中北向壻拜位於其後設贊禮二人位於壻父拜位之北東西相向設壻父進表位於香案之南北向設奉表執事位於進表案之西東

向至日以表置于案陳鴈及他禮物於廳設奉表綵輿於大門之正中掌昏者服朝服省視訖立於香案之東引禮引壻父及壻服朝服就拜位北向立贊禮唱鞠躬拜興拜興拜興拜興平身壻父及壻皆鞠躬拜興拜興拜興拜興平身引禮引壻父陞自西階至香案前北向立引禮唱跪壻父跪贊禮唱跪壻亦跪引禮唱上香上香三上香壻父三上香訖引禮唱進表奉表執事詣案取納采表跪進於壻父之左壻父受表以授掌昏者掌

昏者跪受表興復置于案執事者復詣案取問名表跪  
進於壻父之左壻父受表以進掌昏者掌昏者跪受表  
興復置于案引禮唱俯伏興平身贊禮唱俯伏興平身  
壻父及壻皆俯伏興平身引禮引壻父降自西階復位  
北向立贊禮唱鞠躬拜興拜興拜興拜興平身壻父及  
壻皆鞠躬拜興拜興拜興拜興平身贊禮唱禮畢引禮  
引壻父及壻退立於西掌昏者奉表先行執事者奉雁  
及他禮物以次行壻父及壻從其後至大門外以表置



綵輿中奉舉以行表在前禮物次之掌昏者乘馬行於後至東華門下馬及內東門外以表輿及禮物陳列如儀以伺引禮引掌昏者立於門之右內使監令出立於門之左掌昏者進詣內使前曰朝恩貺室於某公之子某公習先人之禮使臣某請納采執事者就綵輿取納采表跪授掌昏者掌昏者搢笏跪受表以授內使內使跪受表興奉表進入於內殿執鴈及禮物者從入掌昏者退就次以伺內使將出掌昏者復立於內東門之西

內使出掌昏者進詣內使前曰將加卜筮使臣某問名  
執事就案取問名表文跪授掌昏者掌昏者跪受表以  
進內使內使跪受表興奉表進入於內殿執雁及奉禮  
物者從入掌昏者立以候內使出曰有制贊禮唱跪掌  
昏者跪內使宣制曰皇帝第幾女封某公主宣訖贊禮  
唱俯伏興平身掌昏者俯伏興平身贊禮引掌昏者入  
就次賜宴訖掌昏者還諸捧輿者以次出

納吉儀注

前一日壻家陳設香案及拜位一如納采之儀至日進表及禮物掌昏者進至內東門外既至掌昏者進詣內使前曰加諸卜筮占曰從吉謹使臣某敢告執事者取表掌昏者進表皆如納采問名之儀

納徵儀注

前一日壻家陳設香案表案及拜位一如納吉之儀其日又設玉帛案於表案之南以表及玉帛置于案陳禮物於廳事設表輿及玉帛輿於大門外之正中掌昏者

服朝服省視訖立於香案之東引禮引壻父及壻各服  
公服就拜位立定贊禮唱鞠躬拜興拜興拜興平  
身壻父及壻皆鞠躬拜興拜興拜興平身引禮引  
壻父陞西階至香案前引禮唱跪壻父跪贊禮唱跪壻  
亦跪引禮唱搢笏上香上香三上香壻父搢笏三上香  
訖執事者詣案取表跪授壻父之左壻父受表跪進於  
掌昏者掌昏者跪受表興復置于案執事者復詣案取  
玉帛跪授壻父壻父受玉帛以進授於掌昏者掌昏者

跪受玉帛興復置于案引禮唱俯伏興平身壻父俯伏  
興平身贊禮唱俯伏興平身壻俯伏興平身引禮引壻  
父降自西階就拜位立定贊禮唱鞠躬拜興拜興拜興  
拜興平身壻父及壻皆鞠躬拜興拜興拜興拜興平身  
贊禮唱禮畢引禮引壻父及壻退立於西掌昏者奉表  
執事者奉玉帛及禮物出壻父及壻送至大門外掌昏  
者以表及玉帛各置綵輿中奉舉以行表輿在前玉帛  
次之禮物又次之掌昏者乘馬行其後至東華門下馬

入內東門外以表輿及禮物陳列如儀引禮引掌昏者立於門之右內使出立於門之左掌昏者進詣內使前曰朝恩祝室於某公之子某公有先人之禮使臣某以束帛乘馬納徵執事者就綵輿取表跪授掌昏者掌昏者稽笏跪受表以授內使內使跪受表興引禮唱俯伏興平身掌昏者俯伏興平身內使奉表進入於內殿執玉帛禮物者從入掌昏者退就次以伺內使出引掌昏者就次賜宴訖掌昏者還諸奉輿者以次出

請期儀注

儀與納吉同其辭曰某公命臣謹請吉日

親迎儀注

前一日內使監設壻次於內東門內又設皇帝皇后醴女位於內殿皆南向設公主受醴位於御座之南北向其日壻服公服告廟曰國恩既室於某壻名以某日親

迎敢告子將行父醮於廳曰往迎爾相承我宗事勗帥以敬先妣之事若則有常壻再拜降出乘馬備儀仗執

鴈及禮物者後從至東華門下馬入至內東門內執鴈者及奉禮物者各陳禮物於庭堦將至內使延入次其日皇帝皇后醴女如宮中之儀禮部陳設公主鹵簿儀仗車輅鼓吹於內東門外內使監令奏請皇帝皇后即御座皇帝服通天冠絳紗袍皇后服首飾褱衣陞御座左右侍從如常儀保母內侍侍女等奉公主著花釵掄翟出閣就御座前北向立傳姆二人立於公主之左右侍女侍立於公主之後傳姆贊拜興拜興拜興拜興公



主拜興拜興拜興皇帝戒之曰戒之敬之夙夜無  
違命皇后戒之曰勉之敬之夙夜無違公主受命訖保  
姆又贊拜興拜興拜興公主拜興拜興拜興拜興  
保姆及侍女導引公主降階內命婦及宮人內侍送至  
內殿門外侍女請公主乘輿公主陞輿侍女執繖扇擁  
護至內東門侍女請降輿陞輅公主將陞輅內使引堦  
出次立於內東門內執事者執鴈立於後候公主陞輅  
執鴈者以鴈跪授堦堦受鴈跪進于內使內使跪受鴈

以授左右贊禮唱俯伏興拜興拜興平身壻俯伏興拜  
興拜興平身內使引壻先出乘馬還第公主鹵簿車輅  
後發內外命婦及宮人應送者乘輦後從如常儀

同牢儀注

公主至壻家行同牢之禮前一日壻家設公主次於寢  
室之外設幄於寢室正中設壻座於幄西東向設公主  
座於幄東西向設公主巾洗於寢室之北設壻巾洗於  
寢室之南設酒案於寢室南楹正中設酒樽於案上設

四爵兩卷於酒樽之北

爵卷皆以今酒器代之

設食案二於酒案

之北其日初昏公主車輅將至侍女於內門之內設步障至寢室公主至壻第鹵簿分列於大門之外傅姆及侍女皆下輦至大門內保姆請公主降車陞輿公主降車乘輿障以行幄侍女執繖扇遮護至寢室前保姆請降輿公主降輿保姆導引公主入次整飾贊者引壻禮迎至次前保姆侍女等引公主出次壻揖公主入寢門至階壻導公主陞階執扇者陳列於前後入室侍女引

公主至北洗盥手壻從女沃之侍女引壻至南洗盥手  
公主從女沃之盥手訖司儀引公主壻各就座壻從者  
立於幄西公主從者立於幄東侍女各舉食案進供於  
壻及公主之前侍女各以饌進壻及公主進饌畢侍女  
徹饌以爵斟酒進於壻及公主飲畢侍女再以饌進壻  
及公主饌畢徹如前侍女再取爵酒以進壻及公主飲  
畢徹爵如初壻及公主三饌畢侍女取盃酌酒以進壻  
及公主各受盃飲畢侍女徹虛盃司儀請壻及公主皆

興保姆及侍女導引壻及公主入閤更衣公主使者餞壻之餘壻從者餞公主之餘從者皆女人

公主見舅姑儀注

其日夙興公主著花釵服揄翟侍御如常以見舅姑執事者設舅姑位於堂上東西相向舅位在東姑位在西舅服朝服姑服鈿釵禮衣各就位後東西相向立保姆引公主陞自東階至舅位前東向立司儀唱拜興拜興公主拜興拜興侍女奉棗栗進授公主公主受棗栗置

於舅位前舅即座執事者進徹以東保姆引公主退復  
位司儀唱拜興拜興公主拜興拜興保姆引公主詣姑  
位前西向立司儀唱拜興拜興公主拜興拜興侍女奉  
殿脩進授公主公主受殿脩置于姑座前姑即座內執  
事者進徹以東保姆引公主退復位司儀唱拜興拜興  
公主拜興拜興司儀唱禮畢舅姑醴公主如後儀

醴婦儀注

公主見舅姑禮畢侍女設公主位於姑位之北少西東

向保姆引公主立於其位之西侍女注酒於醖進授公主公主東面受醖置於案侍女奉饌置於公主位前公主即座飲食訖司儀請降座公主降座司儀引入閣

盥饋儀注

公主見舅姑之明日行盥饋之禮其日設舅姑位於堂上舅位在東姑位在西又設公主位於姑位之北少西東向舅姑服其服各就座公主服花釵翟衣保姆侍女導從至舅姑所北面立司儀唱拜興拜興公主拜興拜

興訖侍女以饌進授公主公主受饌進供於舅位前侍  
女再以饌進公主公主受饌進供於姑位前舅姑俱食  
畢公主退就位司儀唱拜興拜興公主拜興拜興訖保  
姆導引公主就座侍女奉饌供於公主前加以匕箸公  
主食畢保姆請公主興詣舅姑前司儀唱拜興拜興公  
主拜興拜興訖退入閣

饗丈夫婦人送者

主人饗丈夫送者主婦饗婦人送者皆如常儀



臨軒遣使

門

門

門

明鼎禮卷三十七十八

將軍

將軍

將軍

將軍

將軍

將軍

位立侍官文

樂

武官侍立位

引班舍人

引班舍人

使者

副使

引禮

護衛

護衛

鎮撫

鎮撫

贊禮

贊禮



納采

問名納吉納成請期同

明集禮卷二十七 五十

次副使

位正副使

門

主昏者位

贊禮

位正副使

贊禮

引使者位

位正副使

儀者

贊禮

儀者

贊禮

贊禮

贊禮


贊禮

贊禮

新婦

見舅姑

明集禮卷二十七 五十一



欽定四庫全書

明集禮卷二十八

嘉禮卷十二

品官昏禮

總序

周制昏禮下達凡公侯大夫士之昏娶皆行六禮漢平  
帝詔劉歆定公卿大夫博士郎吏家屬皆以禮娶迎立  
輅並馬立輅小車後漢鄭衆定百官昏娶亦行六禮唐

佐馬僮馬

百官昏儀以三品以上五品以上六品以下為降殺其  
日主人會賓客饗送者婦至之明日謁見舅姑又明日  
行盥饋之禮舅姑饗婦如常儀宋品官昏儀六禮皆與  
唐同其日主人饗送者姑饗婦人送者婦至之明日謁  
見祖禰又明日見舅姑行盥饋禮舅姑饗婦如唐儀今  
擬國朝品官昏儀先遣媒氏通書次遣使及媒氏行六  
禮婦至壻家主人宴饗送者明日謁見祖禰訖次見舅  
姑行盥饋之禮舅姑饗婦如家人之儀今具其儀以著

於篇

冠服

儀禮大夫以上親迎冕服纁裳士親迎爵弁纁裳緇施

施以豉切緇施謂緣以緇

女純衣纁袖

袖汝古切緣以纁緣其衣也

婦見舅姑則

纁笄宵衣

纁所買切致髮纁也笄今簪也宵讀為銷織之屬

唐品官娶婦皆用

本職冕服一品衮冕二品鷩冕三品毳冕四品繡冕五

品玄冕婦服花釵翟衣一品花釵九樹翟九等二品花

釵八樹翟八等三品花釵七樹翟七等四品六樹六等

五品五樹五等六品以下花釵大袖之服品官子娶婦  
三品以上有公爵者其嫡子昏聽假以四品冕服五品  
以下九品以上假以爵弁婦服花釵大袖女嫁亦同宋  
品官娶婦其服皆與唐同國朝品官昏禮各用本職朝  
服婦服花釵翟衣各隨夫之本品服其三品以上子婚  
假五品服五品以上子假七品服六品以下子假八品  
服女服同

車輅



儀禮士昏禮迎乘墨車婦車亦如之注墨車漆車也大

夫乘棧車士昏禮而乘墨車攝盛也又曰士妻之車有

祵

祵昌占切  
車裳帷也

後漢昏禮娶迎立輅位馬

注見前

唐制三品

以上乘革車四品五品木輅五品非京官職事者乘青  
通轆轤車六品以下青偏轆轤車從者公服乘車婦車  
各准其夫宋制與唐同今擬國朝品官昏禮壻乘馬婦  
乘轎子

禮物

周制昏禮下達五禮皆用雁納徵用玄纁束帛儷皮後

漢鄭衆百官六禮辭禮物三十六種皆書之于檢玄纁

玄象天羊羊祥也羣而不黨鴈取隨陽清酒降福白酒歡之粳米養食

稷米盛蒲衆多禾之卷栢屈卷附生嘉禾頌長命縷縷衣

延壽膠能合漆內外五色繡章采屈仲不窮合歡鈴聲音和諧九子

墨長生金錢和鳴不止祿得香草為吉祥鳳凰雌雄舍利獸康

諫飛止須近鴛鴦鳴則相和受福獸體恭慈魚處淵無射鹿祿也烏鳥知反哺孝於

父母九子婦有四德陽燄成明安身丹五色青為色首晉大夫昏

禮用玄纁束帛加羊北齊聘禮一品至三品用玄三足

纁二足束帛十足璧

四品以下皆無璧

豹皮二

六品以下至九品並用鹿皮

錦綵四十足三品二十足絹百四十足四品百二十足

五品百足羔羊一口羊二口犢二頭黍稷稻米麴各四

斛四品以下各二斛唐制三品以上不得過絹三百足

四品五品不得過二百足六品七品不得過一百足八

品以下不得過五十足皆充所嫁女資裝等用宋三品

以上四馬玄纁束帛四品以下兩馬五禮皆用鴈今擬

國朝品官昏禮

樂

記云昏禮不作樂幽陰之義樂陽氣也又云娶婦之家  
三日不舉樂思嗣親也唐太極元年唐紹表請士庶親  
迎廣奏音樂請禁之建中元年禮儀使顏真卿奏昏禮  
主敬至于音樂切恐非禮請禁斷今擬國朝品官昏娶  
不用樂

納采問名

唐品官昏娶先使媒氏通書女氏許之乃致納采之禮  
用鴈前一日主昏者陳設賓次于大門外受其禮於廟  
無廟則於正寢其日賓公服至女氏第曰吾子有惠貺  
室某也某有先人之禮使某請納采主昏者對曰某之  
子蠢愚又弗能教吾子命之某不敢辭賓出主昏者執  
事者徹雁無雁鴈用羊賓既出立於中門外復入陳雁請曰  
某既受命將加諸卜敢請女為誰氏主昏者曰吾子有  
命具以備數而擇之某不敢辭曰某第幾女某氏出主

人遂醴賓

醴賓以醴酒薦以脯醢畧如一獻之禮

宋賓至女氏第曰某官

以伉儷之重施於某官率脩彝典使某謹納采主昏者曰某之子弗嫻於姆訓維是服脩棗栗之饋未知告虔也某聽命於廟敢不拜嘉其納采之禮一如唐儀其問名之禮亦如唐儀今擬國朝品官昏娶遣賓用雁至女氏第行納采問名之禮詳見後儀

納吉

唐納吉用鴈如納采禮曰吾子有貺命某加諸卜占曰

吉使某也敢告主昏者曰某之子不教唯恐不堪子占  
有吉我與在焉不敢辭宋納吉如納采之儀賓至女氏  
第曰某官承嘉命稽諸卜筮龜筮協從使某以告主昏  
者曰某官顧惠於好欲施德於某未教之女而以卜吉  
告某不敢辭其受鴈醴賓皆如前儀今擬國朝品官昏  
娶既卜吉遣賓用鴈至女氏第納吉詳見後儀

納徵

唐品官昏禮納徵用玄纁束帛纁皮賓至女第曰吾子

有嘉命貺室某也某有先人之禮纚皮束帛使某也請  
納徵主昏者曰吾子順先典貺某重禮某不敢辭宋品  
官納成命賓奉函書玄纁束帛至女氏第曰某官以伉  
儷之重加惠某官某官率循彝典有不腆之幣以某將  
事敢請納成主昏者曰某官順彝典申之以備物某敢  
不重拜嘉賓入以函書授主昏者其儀與納吉同今擬  
國朝品官納徵用函書某物命賓至女氏第告成詳見  
後儀



請期

唐納徵之後用鴈請期曰吾子有賜某既申受命矣惟

是三族不虞

注云三族為父昆弟已昆弟子昆弟虞度也不億度也

使某請吉日

主昏者曰某敢不敬宋品官請期命賓用鴈至女氏第  
曰某官慎重嘉禮將卜諸近日使某請期主昏者曰謹  
奉命以從其受鴈禮賓皆與前同今擬國朝品官昏禮  
既納徵遣賓用鴈至女氏第請期詳見後儀

親迎

唐品官昏禮必親迎初昏壻服至女氏第曰吾子命某以茲初昏使某將請成命主昏者曰某固敬具以需女花釵翟衣六品以下則花釵大袖入於房南向坐主昏者方端迎壻於門外主昏者揖入執鴈者從之至房戶前北面奠鴈再拜訖降出以俟父母戒女訖姆及從者導引女出升車壻御婦車授綏姆辭不受曰未教不足與為禮壻乘車先還俟於門外婦車從其後宋品官昏禮必親迎有故聽以媒氏往迎其親迎之禮與唐制同

壻乘馬女乘車今擬國朝品官昏禮壻公服乘馬行親迎之禮其詳見後儀

同牢

唐品官昏娶婦至門壻揖婦以入及寢門婦升自西階媵布奠於奧壻婦皆就席侍從設同牢饌卒食三醕用盃皆如前儀宋制初昏掌事者設巾洗於階設尊於室中實四爵兩盃於筐婦至贊者引婦北面立壻揖婦以入婦升階入于室壻盥於南婦盥於北設酒饌布席對

坐婿婦皆即坐侍從注酒授飲及婦飲訖遂薦饌三飲如初婿及婦再拜徹酒饌今擬國朝品官昏娶婦至門婿出揖婦同入至內室行同牢之禮詳見後儀

見舅姑

唐品官昏娶明日婦服花釵翟衣見舅姑舅席西向姑座南向婦座於姑座之西少北南向舅姑既即席再拜執棗栗奠於舅席舅撫之婦又再拜降階受版脩奠于姑席姑撫之婦再拜退就席立贊者酌醴及脯醢婦再

拜就座飲食畢退入閤明日行盥饋之禮舅姑饗婦如  
前儀宋謁見舅姑之禮與唐同但舅西向坐姑東向坐  
設婦座於姑位之北少西東向而四品以下不行盥饋  
之儀今擬國朝品官昏禮婦至之明日謁見舅姑次謁  
祖禰明日行盥饋之禮姑饗婦及宴見親戚其詳見後  
儀

納采問名儀

凡品官昏娶或為子聘婦皆使媒氏通書女氏許之擇

日致納采之禮前一日主昏者設賓次於大門外陳設賓坐席於廳事至日某官陳設廳及他禮物於廳及庭媒氏省視訖執事者舉禮物進賓及媒氏乘馬及步輦從其後質明主昏者具祝版告廟訖設香案燈燭於廳之正中賓至女氏第媒氏入報贊者延賓入次執事者各陳禮物於大門之內主昏者公服出迎於大門外贊禮引出次主昏者揖入賓及媒氏陞自東階主昏者陞自西階至廳賓立於廳之左主昏者立於廳之右媒氏

立於賓之南執事者陳鴈及納采禮物於廳上及庭中  
贊禮唱鞠躬拜興拜興平身賓及主人皆鞠躬拜興拜  
興平身賓詣主人曰某官以伉儷之重施於某某率循  
禮典謹使某納采主昏者曰某之子弗閑姆訓既辱采  
擇敢不拜嘉主昏者揖賓就西向坐主昏者東向坐執  
事者徹鴈及收受禮物訖賓復入陳鴈及問名禮物於  
廳賓興詣主昏者曰某官慎重昏禮將加卜筮請問名  
主昏者進曰某第幾女某氏出或以紅羅或以銷金紙

書女第行年幾

即今之帖子

賓辭將降出主昏者曰吾子今

以事至某之室請禮從者復就座遂行飲食之禮畢使者降自東階出主昏者送至大門外執事者各舉器物還

納吉儀

既卜吉擇日先遣媒氏至女第告以某日納吉前一日主昏者設賓次如納采之儀至日賓及媒氏奉鴈及禮物至女氏第大門外媒氏先入告贊禮者延入次執事



者陳鴈及禮物於門內主昏者出迎賓贊禮引賓出次  
主昏者揖賓同入賓陞東階主昏者陞西階至廳東西  
相向立執事者陳鴈及禮物於廳及庭中贊者唱鞠躬  
拜興拜興平身賓及主昏者皆鞠躬拜興拜興平身  
賓詣主昏者曰某承嘉命稽諸卜筮龜策協從使某  
告吉主昏者曰某未教之女既以吉告其何敢辭主昏  
者揖賓就座主昏者之執事者徹鴈及禮物入主昏者  
燕饗使者如納采儀

納成儀

既擇吉擇日備禮物命賓及媒氏至女氏第行納成禮  
先期媒氏以某日告前一日主昏者設賓次如常儀其  
日賓至女氏大門外媒氏先入告贊禮延賓入次執事  
者陳禮物於大門內置玄纁束帛於案主昏者出迎於  
大門外贊禮引賓出次主昏者揖賓入賓陞東階主昏  
者陞西階至廳東西相向立執事者陳函書束帛及他  
禮物於廳上及庭中贊禮唱鞠躬拜興拜興平身賓及

主昏者皆鞠躬拜興拜興平身賓請主昏者曰某官以  
伉儷之重加惠某官率循禮典有不腆之幣敢請納徵  
主昏者曰某官貺某以重禮某敢不拜嘉執事者就案  
取函書授賓賓以授主昏者主昏者受書以授執事者  
主昏者之從者以函書進授主昏者主昏者受以授賓  
賓受書以授左右訖主昏者揖就席主昏者之執事者  
各徹禮物其宴饗賓從皆如納吉之儀

請期儀

既納徵擇日備禮物命媒氏及賓至女氏第請期其儀與納吉同

親迎儀

有故請以媒氏往迎

前一日主昏者設次於大門外如常儀其日壻父公

服告於禰廟

無廟者於廳事東設神位

初昏壻具公服

無官者用假服

行親

迎禮設壻父位于廳之正中壻父即座贊禮引壻陞自

西階至父座前北面立贊禮唱鞠躬拜興拜興平身壻

鞠躬拜興拜興平身進立於父位前父命之曰躬迎嘉

偶釐爾內治壻進前曰敢不奉命退復位贊禮唱鞠躬  
拜興拜興平身媒氏導率壻出乘馬前行至女家其日  
女氏主昏者公服告廟訖設宴會親戚醴女如家人之  
儀壻至門外下馬媒氏入告贊禮引壻就次女從者請  
女盛服就寢門內南向坐女從者列於其後贊禮引壻  
出次主昏者出迎壻于大門之東西面主昏者揖壻入  
門而右壻入門而左執鴈者從壻之後至寢戶前北面  
立主昏者立於寢戶之東西向執雁者陳鴈於庭贊禮

唱鞠躬拜興拜興平身壻鞠躬拜興拜興平身引禮引  
壻出就次主昏者不降送壻既出女父母就正廳南向  
坐保姆引女就父母座前北向立侍女從其後保姆唱  
拜興拜興拜興拜興女拜興拜興拜興拜興父命之曰  
往之爾家以順為正無忘肅恭母命之曰必恭必戒母  
違舅姑之命庶母申之曰爾忱聽於訓言母作父母羞  
保姆及侍女導從女出門升車儀衛導前應送者乘輦  
從其後女車行壻先還第

同牢儀

女將至壻家執事設二座於寢室之內壻座在東婦座在西設壻洗一於室之東南婦洗一於室之西北設酒

案一於室之東楹正中實四爵兩盃於酒尊之北

爵盃皆以

常用酒器代之

設食案二於酒案之北初昏壻親迎先歸第以

甸婦車至門保姆請婦下車贊禮引壻出迎於大門之內壻接婦同引入保姆侍女導從如常及寢門壻先陞階保姆導婦後陞入室壻盥於南洗婦從者執巾進水

以沃之婦盥於北洗壻從者執巾進水以沃之盥畢從者請壻婦各就座執事者舉食案各置於壻婦之前司尊者注酒侍女以酒進於壻婦案上壻婦受醖飲訖侍女受虛醖司饌者進饌侍女以饌進供壻婦案上壻婦進饌訖侍女徹饌再飲再饌如初壻婦再飲畢侍女又徹饌乃以盃注酒各進於壻婦壻婦受盃各飲畢侍女徹虛盃贊者請壻婦皆興立於座南東西相向贊者唱拜興拜興壻婦皆拜興拜興侍從引壻婦入室易服壻



從者餽婦之餘婦從者餽婿之餘

廟見儀

婦至之明日見於宗廟

無廟者於廳事中設神位

設主昏者拜位於

東階下北面壻拜位於其後主婦拜位於西階下婦拜位於其後諸親拜位各以序分立於主昏者主婦之後其日婦夙興沐浴盛服主昏者及主婦皆盛服贊者引主昏者就東階下位次引主婦就西階下位次引諸親與壻婦各就位立定贊禮唱拜興拜興平身主昏者以

下皆拜興拜興平身贊禮引婦進詣庭中北面立引禮  
引主昏者升自東階詣神位前引禮唱跪主昏者跪引  
禮唱上香上香三上香司香奉香進于主昏者之左主  
昏者三上香訖引禮唱祭酒祭酒三祭酒司尊者以酒  
進於主昏者之左主昏者祭酒畢引禮唱讀祝讀訖引  
禮唱俯伏興平身主昏者俯伏興平身引禮引主昏者  
立於神位之西贊禮唱拜興拜興拜興拜興婦拜興拜  
興拜興拜興訖退復位引贊引主昏者降自東階就拜

位贊禮唱鞠躬拜興拜興平身主昏者以下皆鞠躬拜興拜興平身贊禮唱禮畢主昏者以下皆退

見舅姑儀

婦既謁廟次見舅姑其日執事者設舅姑位於堂上舅位在東姑位在西婦沐浴盛服立於堂下向舅姑俱即座贊禮引婦就拜位北向立贊禮唱拜興拜興拜興拜興婦拜興拜興拜興拜興保姆引婦升自西階至舅位前侍女奉棗栗

今或隨儀代以他禮物為贊下同

進授於婦婦受棗栗

置於舅位前執事進徹棗栗侍女奉服脩進授於婦婦受服脩置於姑位前執事者徹服脩訖保姆引婦退降自西階至庭下拜位立定贊禮唱拜興拜興拜興婦拜興拜興拜興贊禮唱禮畢保姆引婦退舅姑醴婦如家人之儀

盥饋儀

婦見舅姑之明日行盥饋之禮其日婦家備盛饌酒食至壻家婦從者設舅姑位於堂上舅位在東姑位在西

設食案於堂上正中婦夙興沐浴盛服立於庭下向舅姑俱卽座贊禮唱拜興拜興拜興拜興婦拜興拜興興拜興保姆引婦陞自西階立於舅位之南北向婦從者舉食案進供於舅姑位前訖執事者以饌授婦婦奉饌置於舅位前執事者加七箸保姆引婦進立於姑位之南北向執事者以饌授婦婦受饌置於姑位前執事者加七箸舅姑皆食畢婦從者徹饌保姆引婦降階就拜位贊禮唱拜興拜興拜興拜興婦拜興拜興拜興拜

與舅姑饗婦如家人之儀

舅饗丈夫送者儀

其日質明主昏者命執事者設賓席於正廳東西相向  
其席位從其實之數設酒案於廳之南楹設食案於酒  
案之北賓至掌次者引賓先就次主昏者出迎於大門  
之外引禮者引賓出次主昏者揖賓入賓陞東階主昏  
者升西階至廳分東西相向立贊禮唱鞠躬拜興拜興  
平身賓主皆鞠躬拜興拜興平身主昏者揖賓各就座

執事者舉食案進供于賓客主昏者之前進酒進饌如常儀會畢賓主俱興賓立于東階上西面主昏者立于西階上東面執事者奉幣以授主昏者主昏者以授賓賓受以授左右降自東階從者受幣以從賓出主昏者送于大門之外

姑饗婦人送者儀

其日主昏者之執事者設女賓次于中門之內設女賓席于後堂東西相向設女賓親黨位于女賓之南西向設主婦親黨位于主婦之南東向設酒案于堂之南楹

設食案于酒案之北女賓至掌次者引女賓就中門內  
次主婦出迎于次外女贊引女賓出次主婦接女賓同  
入女賓升東階主婦升西階至廳分東西相向立女贊  
唱拜興拜興拜興女賓及主婦皆拜興拜興拜興  
拜興主婦請女賓各就位坐侍女舉食案進供于女賓  
主婦之前進酒進饌如常儀會畢女賓及主婦皆興執  
事者奉幣以授主婦主婦受幣以授女賓女賓受幣降  
自西階以授從者從者奉幣以從女賓出主婦送于門外



納永同名納吉納成請期同

明集禮卷二十八十九

納禮又展

引

主昏者位

引禮

引禮

一

引禮

主昏者位

納禮又展

一

引禮

引禮

引禮

主昏者位

主昏

主昏者位

一

親迎

明集禮卷二十八 二十

雁  
禮  
位

婿  
位

主  
婚  
者  
位

門

主  
婚  
人

主  
婚  
人

雁  
禮  
物  
位

雁  
禮  
位

雁  
禮  
位

主  
婚  
人  
位

婿  
位

見舅姑

明集禮卷二十八

舅姑

舅姑

舅姑

舅姑

舅姑

舅姑



舅姑

謁廟

明集禮卷三十八二十三

親詣

詣親

香

婦

卜筮者

主婦

樂器

贊禮

婦升位

主昏者升位

祝

香

位神

庶人昏儀

總序

周禮媒氏掌萬民之判凡男女自成名以上皆書年月日  
名焉令男三十而娶女二十而嫁有故則二十三而嫁此  
庶人之昏禮也周末越王句踐欲蕃育庶民使男二十  
而娶女十七而嫁自後庶民子女十五六之後皆許嫁  
娶唐貞觀中詔庶民男女男年二十女年十五以上無  
室家者並仰州縣以禮聘娶其納采納幣皆遺賓行之

宋庶人昏儀命媒氏行六禮壻盛服親迎有故則令媒  
氏往迎朱子家禮庶人昏儀男子年十六至三十女子  
年十四至二十並可昏娶先使媒氏通言次遣使納采  
納幣然後壻盛服親迎婦至交拜合卺主昏者禮賓明  
日婦見舅姑壻見婦之父母又明日婦行廟見禮今擬  
國朝庶人昏儀男年十六女年十四以上並聽昏娶先  
遣媒氏通言女氏許之次命媒氏納采納幣至期壻盛  
服親迎主昏者禮賓明日婦見祖禰畢次見舅姑壻往

見婦之父母今具其儀以著於篇

冠服

儀禮壻親迎爵弁禮曰士妻始嫁禪

音

黼於領上

畫

黼

假盛飾耳唐制庶人昏聽假以絳公服其嫁女則花釵

以銀及金塗銀琉璃等飾

連裳青質以青衣革帶鞮履

同裳色夫有官者則從其

夫之品服宋庶人昏假幘頭公服或皂衫衣折上市婦服花

釵大袖今擬國朝庶人昏娶壻服常服或假九品服婦

服花釵大袖

禮物

周禮凡嫁女娶妻入幣純帛無過五兩唐制納采問名

納吉請期親迎並用鴈無雁聽用羊以雉及雞鶩代納

徵用玄三疋纁二疋束帛

束帛五兩五尋每端二丈而兩合其底因謂之足函

書盛於箱宋制與唐同朱子家禮昏幣用色繒貧富隨

宜少不過兩多不過十更用釵釧羊酒果實等物今擬

國朝庶人昏娶

納采問名



唐庶人昏娶媒氏通書之後別致納采之禮其日備鴈  
及禮物命賓至女家曰吾子有命貺室於某使某謹納  
采主昏者曰某之子蠢愚又弗教某弗敢辭其受鴈禮  
實如六品以下儀其問名亦如之宋庶人昏娶使媒氏  
奉書及禮物至女氏第納采問名訖主昏者奉函書復  
命其儀與唐同今擬國朝庶人昏娶遣媒氏奉書及禮  
物至女家納采其詳見後儀

納幣

附詩期

唐庶人昏娶問名之後遣賓納吉然後以玄纁束帛行  
納徵之禮宋既納吉遣媒氏執函書奉禮物至女家納  
成曰吾子既修好于某使某請納成媒氏以函書授主  
昏者主昏者曰備物有嘉敢不重拜媒氏復致命曰某  
使某請吉日主昏者曰某固聽命媒氏曰請以某甲子  
主昏者曰敢不承命其受禮物禮賓如納采之儀今擬  
國朝庶人昏娶問名之後遣媒氏奉書及禮物行納幣  
之禮就請期

親迎

唐庶人昏娶壻盛服至女家親迎既至主昏者迎壻入至寢門前壻北向立主昏者西向立壻奠雁訖再拜出就次以同女父母戒女畢女升輿壻先還家女至壻迎於大門外揖入寢室行同牢之禮宋庶人昏娶其親迎之儀與唐同有故許令媒氏往迎今擬國朝庶人昏娶壻盛服親迎有故許令媒氏請迎詳見後儀

見祖禰

宋婦至之明日謁見祖禰主昏者立於東階下主婦立於西階下諸親及壻婦各以序分立於後贊者引婦進詣庭中北面再拜訖復位主昏者升階詣神位前上香祭酒祝曰某氏來婦敢以見祝訖降自西階復位主昏者以下皆再拜今擬國朝庶人昏娶婦至之明日謁見祖禰詳見後儀

見舅姑

唐婦至之明日謁見舅姑舅西向坐姑南向坐婦再拜

進棗栗於舅前又再拜進服脩於姑前訖又再拜舅姑  
醴婦如常儀宋婦見舅姑之禮其日夙興婦盛服立於  
庭下舅西向坐姑東向坐婦就東階下再拜升階置棗  
栗於舅位前降階再拜次詣西階下再拜升階置服脩  
於姑位前降階又再拜舅姑醴婦如唐儀今擬國朝庶  
民昏娶婦至之明日謁見祖禰畢次見舅姑其詳見後  
儀

饗送者

宋娶婦之日女氏送者至壻家主昏者饗男子送者於外廳主婦饗婦人送者於中堂東西相向再拜訖俱即座具酒饌如常儀會訖主昏者奉幣於送者送者受幣降自東階出主昏者送於門外今擬國朝庶民昏娶送者至主昏者主婦行燕享之禮詳見後儀

壻見婦之父母

宋禮娶婦之明日壻盛服往見婦之父母婦父迎送如客禮拜則跪而扶之入見婦母則婦母闔門左扉立於

門內壻拜於門外皆用幣次見婦黨諸親婦家禮壻如常儀今擬國朝庶人昏娶之明日壻往見婦之父母其詳見後儀

### 納采

凡將娶婦先使媒氏往來通言候女氏許之然後納采夙興主昏者告於祠堂云某之子某年已長成未有伉儷已議娶某郡某之女今日納采不勝感愴

若宗子自昏則自告

媒氏奉書及禮物往女家至大門外主昏者出迎媒氏

媒氏入門而右主昏者入門而左升堂東西相向立  
執事者陳禮物於堂上及庭中媒氏進詣主昏者曰吾子  
有惠貺室於某某親某有先人之禮使某請納采主昏  
者對曰某之子蠢愚又弗能教吾子命之某不敢辭從  
者以書進授媒氏媒氏奉書以授主昏者主昏者受書  
以授左右訖延媒氏就次執事者各徹禮物主昏者遂  
奉書告于祠堂訖出迎媒氏升堂從者以復書進授主  
昏者主昏者受書以授媒氏媒氏受書以授執事訖請



還主人請媒氏以酒饌請從者於別室皆酬以幣使者  
復命壻家壻家復告祠堂

納幣請期

古有問名納吉朱子家禮  
止從納采納幣以從簡便

其日壻氏主昏者備書及禮物於庭媒氏省視訖遂奉  
書及禮物至女家主昏者出迎媒氏入門而右主昏者  
入門而左升堂東西相向立從者陳禮物於堂上及庭  
中媒氏進詣主昏者前曰吾子既修好於某某使某請  
納成主昏者曰備物有加敢不重拜從者以函書授媒

氏媒氏受書以授主昏者主昏者受書以授左右訖左  
右以復書進授主昏者主昏者受書以授媒氏媒氏復  
致命曰某使某請吉日主昏者曰某固聽命媒氏曰請  
以某甲子主昏者曰敢不承命媒氏請退主昏者留媒  
氏宴饗如納采之儀

親迎

有故聽以媒氏往迎

前期一日女氏使人張陳其壻之寢室

俗謂之鋪房

其日質

明壻父盛服以祝告廟訖父坐於正廳中間南向子盛

服

品官子孫服九品服  
除五品衫折上巾

立于父位之西少南東向贊禮唱

鞠躬拜興拜興平身壻鞠躬拜興拜興平身執事者以醖  
注酒投壻壻祭酒少許訖啐酒以醖投從者訖興平身進  
立于父位前父命之曰釐爾內治往求爾匹壻進曰敢不  
奉命贊禮唱鞠躬拜興拜興平身壻鞠躬拜興拜興平身  
訖降出乘馬以二燭前導至女家司賓延入次是日女父  
母請親戚宴女如家人之儀壻至女家主昏者以祝告于  
祠堂曰某之第幾女將以今日歸于某不勝感愴告祝訖

出迎壻于中門之外揖壻入主昏者升西階西面壻升

東階進當寢戶之前北面執鴈者陳鴈于階庭

無鴈以他物代

壻

曰某受命于父以茲嘉禮恭聽成命主昏者曰某固願

從命贊禮唱鞠躬拜興拜興平身壻鞠躬拜興拜興平身

贊禮引壻降階出至次以伺主昏者不降送壻既出就

次女父母盛服南向立侍女導從女至堂上詣父母前

北面立贊者唱拜興拜興拜興父戒之曰往之爾

家無忘肅恭母戒之曰夙夜以思無有違命諸母申

之曰無違爾父母之訓贊者又唱拜興拜興拜興  
女拜興拜興拜興拜興訖侍女導從出門升輿二燭導  
行壻先乘馬還俟于門外婦至門外贊者請降輿婦降  
輿入門北面立壻出至中門外南面揖婦同入室婦從  
者布壻席於室東壻從者布婦席于室西贊者引壻婦  
至席所東西相向立贊者唱拜興拜興壻婦皆拜興拜興  
壻揖婦就坐婦從者舉食案置於壻前壻從者舉食案  
置於婦前婦從者斟酒進供於壻壻授醴飲酒壻從者

斟酒進供於婦婦授醖飲酒畢從者以饌進再飲再饌  
畢婦從者以盃斟酒進授壻壻受盃壻從者以盃斟酒  
進授婦婦受盃同飲畢壻婦皆興入寢室壻脫服婦從  
者受之婦脫服壻從者受之壻從者餞婦之餘婦從者  
餞壻之餘主昏者禮男送者於外廳主母禮女送者於  
中堂各如其儀

見舅姑

婦至之明日謁見舅姑其日婦夙興盛服立於堂下舅

姑坐于堂上東西相向舅位在東姑位在西置卓子於舅姑之前家人男女少于舅姑者立于兩序侍女引婦立于東階下贊禮唱拜興拜興拜興婦拜興拜興拜興拜興侍女引婦升西階至舅位前侍女以贊幣進授于婦婦受贊幣奠于卓子上舅撫之侍女引婦降階北面立贊禮唱拜興拜興拜興拜興婦拜興拜興拜興拜興侍女引婦就西階下立贊禮唱拜興拜興拜興拜興婦拜興拜興拜興拜興侍女引婦升西階至姑位前

侍女以贊幣進授于婦婦受贊幣進奠于卓子上姑撫之侍女引婦降西階下立定贊禮唱拜興拜興拜興拜興婦拜興拜興拜興贊禮唱禮畢舅姑醴婦如家人之儀

見祖禰

古者三月而廟見朱子家禮以其太速改用三日

婦至之明日見於祖禰

無廟者設神位于廳事中

設主昏者拜位于

東階下北面壻拜位于其後主婦拜位于西階下婦拜位于其後親屬拜位各以序分立于主昏者主婦之後



其日婦夙興沐浴盛服主昏者主婦皆盛服贊禮引主  
昏者就東階下位次引主婦就西階下位次引諸親與  
壻婦各就位立定贊禮唱拜興拜興平身主昏者以下  
皆拜興拜興平身贊禮引婦進詣庭中北面立引禮引  
主昏者升自東階詣神位前引禮唱跪主昏者跪引禮  
唱上香上香三上香司香者奉香進于主昏者之左主  
昏者三上香訖引禮唱祭酒祭酒三祭酒司尊者以酒  
進于主昏者之左主昏者祭酒畢引禮唱讀祝讀訖引

禮唱俯伏興平身引禮引主昏者立於神位之西贊禮  
唱拜興拜興拜興拜興婦拜興拜興拜興拜興訖退復  
位引禮引主昏者降自東階就拜位贊禮唱鞠躬拜興  
拜興平身主昏者以下皆鞠躬拜興拜興平身贊禮唱  
禮畢主昏者以下皆退

婿見婦之父母

婦至之明日婿盛服往見婦之父母至大門外立伺贊  
禮者先入告婦父出迎于大門外揖婿入從者執幣從

其後婦父升自西階壻升自東階至廳東西相向婦父  
在西壻在東贊禮唱鞠躬拜興拜興拜興平身壻  
鞠躬拜興拜興拜興平身婦父扶壻興從者以幣  
進授壻壻受幣進於婦父婦父受幣以授左右贊禮引  
壻入至後堂門外少向從者執幣以從婦母盛服出後  
堂南向立贊禮引壻入堂前楹北向立贊禮唱鞠躬拜  
興拜興拜興拜興平身壻鞠躬拜興拜興拜興拜興平  
身婦母答拜訖從者以幣授壻壻受幣進授婦母之左

右訖贊禮引壻出次見婦黨諸親皆如賓客相見之  
禮婦家設酒饌禮壻各隨貧富之儀

饗送者

其禮如品官饗送者之儀

納采 問名 納吉 納成 親迎 同

明集禮卷二十八 三十五

物禮雁

無辭

主昏者

門

以雁禮物

庭

婦升堂

出

主昏者就位

迎婦

主昏位

親迎

明集禮卷二十八 三十六

雁  
禮  
物

婿  
位

主  
昏  
者  
位

門

婿  
揖  
位

主  
昏  
揖  
位

禮  
物



女  
婿  
位

婿  
奠  
雁  
位

見舅姑

明集禮卷二十八 三十七

木匠

婢升位

木匠

舅姑



位姑

見祖禰

明集禮卷二十八 三十八

諸祀升位

諸親升位

婿

婦

主祭位

婦升位

主婦升位

主祭者位

香  
案

神  
位



明集禮卷二十八